



USIM terajui MUAT

PROF Zulkiple (tengah) melawat pelajar baharu Sarjana Muda sesi akademik 2015/2016 USIM yang sedang menduduki Ujian Kompetensi Bahasa Arab atau Imtihan Kafaah Lughatul Arabiyyah (IKLA).

■ Modul ujian penguasaan bahasa Arab sama seperti TOEFL

Oleh Alias Abd Rani
alias@hmetro.com.my

Nilai

Universiti Sains Islam Malaysia (USIM) akan memperkenalkan modul ujian penguasaan

bahasa Arab bertaraf antarabangsa dikenali sebagai Malaysian University Arabic Test (MUAT) bermula tahun ini.

Timbalan Naib Canselor (Akademik dan Antarabangsa) USIM Prof Dr Zul-

kiple Abd Ghani berkata, modul ujian penguasaan bahasa Arab sama seperti Test of English as a Foreign Language (TOEFL) dan International English Language Testing System (IELTS) bagi bahasa Inggeris yang sudah

diiktiraf peringkat antarabangsa.

"la secara tidak langsung dapat mengukur keberkesanan pembelajaran dan pengajaran bahasa Arab yang dipelajari di peringkat menengah," katanya.